


Thaydwan 4



Dinhmung Akhat

Aniu ta guloumeipu Damhpouc Ravguangc khou lwmmei

Baibal Pary

Aniu ta guloumeipu Damhpouc Ravguangc khou lwmmei, twmei dinhmei pary sinsw o

Aniu ta
guloumeipu
Damhpouc
Ravguangc
khou
lwmmei

Gaychamv Parybuk Kanei. Kasap 2-15. *Duidai Daihmei.*

Gaychamv Parybuk Kanei tuang kasap 2-7 tei kamaengc lyanna alauc nunc khou paclou o.

1, 2, 3, pac thau tho...

Khouringh Drama – Noah rui sa e twmei talic khang kasap 7 luaime khou ding o.

Khouringh Drama – Noah rui sa e: Alauc nunc kakang padeih pat o. Kakang akhat rui si kang, baihmei akhat rui aphwm kang, baihmei akhat rui kamang kang, baihmei rui zouc kang.

Tadin: **Si akumhna sw bo?** Alauc nunc rui: Si kumcna kazinhmei

Tadin: **Si rui tabui sa bo?** Alauc nunc rui: Buk buk.

Tadin: **Aphwm akumhna tat bo?** Alauc nunc rui: Aphwm kumcna tatmei.

Tadin: **Aphwm rui akumhna sa bo?** Alauc nunc rui: Kuak kuak



Tadin: **Kamang akumhna tat bo?** Alauc nunc rui: Kamang kumcna tatmei.

Tadin: **Kamang rui tabui sa bo?** Alauc nunc rui: Grrrrr grrrr.

Tadin: **Zouc akumhna tat bo?** Alauc nunc rui: Zouc kumcna tatmei.

Tadin: **Zouc rui tabui sa bo?** Alauc nunc rui: ku ku, ku ku.

Thaydwan 4



Talic Nimei Thiak Dinclou o.

‘Si tabui sw e twna Noah rui sa bo?’ twna ai sa pw khou, alauc guayna si kumcna kazinh puni. **‘Si tabui sw bo?’** twna ai sa pw khou, si kangmei nunc na rui si kumcna kazinh puni. **‘Si tabui sa e twna Noah rui sa bo?’** twna ai sa pw khou, alauc guayna ‘buk buk’ twna sa puni. **‘Si rui tabui sa bo?’** twna ai sw pw khou, si kangmei nunc na rui ‘buk buk’ twna sa puni.

‘Aphwm tabui sw e twna Noah rui sa bo?’ twna ai sa pw khou, alauc guayna aphwm kumcna tat puni. **‘Aphwm tabui sw bo?’** twna ai sa pw khou, aphwm kang na rui aphwm kumcna tat puni. **‘Aphwm tabui sa e twna Noah rui sa bo?’** twna ai sa pw khou, alauc guayna ‘kuak kuak’ twna sa puni. **‘Aphwm rui tabui sa bo?’** twna ai sw pw khou, aphwm kangmei alauc nunc na rui ‘kuak kuak’ twna sa puni.

‘Kamang tabui sw e twna Noah rui sa bo?’ twna ai sa pw khou, alauc guayna kamang kumcna tat puni. **‘Kamang tabui sw bo?’** twna ai sa pw khou, kamang kangmei na rui kamang kumcna tat puni. **‘Kamang tabui sa e twna Noah rui sa bo?’** twna ai sa pw khou, alauc guayna ‘Grrrrrrrr’ twna sa puni. **‘Kamang rui tabui sa bo?’** twna ai sw pw khou, kamang kangmei alauc nunc na rui ‘Grrrrrrrr’ twna sa puni.

‘Zouc tabui sw e twna Noah rui sa bo?’ twna ai sa pw khou, alauc guayna zouc kumcna tat puni. **‘Zouc tabui sw bo?’** twna ai sa pw khou, zouc kangmei na rui na rui zouc kumcna tat puni. **‘Zouc tabui sa e twna Noah rui sa bo?’** twna ai sa pw khou, alauc guayna ‘twna sa puni’. **‘Zouc rui tabui sa bo?’** twna ai sw pw khou, zouc kangmei alauc nunc na rui **‘Ee ee ee, oo oo oo, aa aa aa’** twna sa puni.

Mi tei sw laanhmei ramh e thei sa laanmei nac tei hu khou patna, sw laanhmei ramh e thei sa laanmei ta nang (tadin) ta zauc nkhav puni. Mi tei kumcna laanh laanhmei hu khou pat puni. Mi talicmei khou nkhamh khamhmei tei mi kang tuang ngammei e.

Alauc nunc nking chuyna sw khang sa nimei lat tei kalwan kalaic laic o. Alauc akhat na rui nchumh ngam pary mak saanv mi tei kaluaih dat datna sw bam o.

Aniu ta
guloumeipu
Damhpouc
Ravguangc
khon
lwmmei

Thaydwan 4

Alauc akhat na bam duc pw khou ngammei the twna kauc pat o. Alauc guayna dung key dat tho.

Noah ta ningtow bo? Noah pary khou nang niw tabui ningtow bo khatni mi pary khou tei aniu tabui nganv tangc tha?

Gaychamv Parybuk Kanei tuang kasap 8-15 tei alauc nunc khou kamaengc lyanna pac suaklou o.

1, 2, 3, pac thau tho...

Thanvna Daw Akhyammei

Mi pary lam tei alauc nunc khou thanv o. Alauc nunc ta kakang kanei ti pat o. Reyimei kang khou thanv rey o. Reyimei kang tei kakhanh kariuna lat akhat na daw nina e. Kaniw daw nchumh e thei, kaniw khang point akhat tii o. Reyimei kang tei daw nchumh mak e thei, mi lat tei kaneimeimei kang khou thanv o. Kaniw kakhanh kariuna lat akhat na daw nina e. Kaniw daw nchumh e thei point akhat tii o.

Point chak kariumei sing blackboard ramh e thei che paek khou hy lyanlou o.

Mi tangv kaneimeimei kang khou mi pary tuang latthanv baihmei thanv o. Kaneimeimei kang tei kakhanh kariuna lat akhat na daw nina e. Kaniw daw nchumh e thei, kaniw khang point akhat tii o. Kaneimeimei kang tei daw nchumh mak e thei, mi lat tei reyimei kang khou thanv o. Kaniw kakhanh kariuna lat akhat na daw nina e. Kaniw daw nchumh e thei point akhat tii o.

Kakang reyimei khatni kaneimeimei khou tei kalaic kalaicna mi pary lam tei thanv o.

Daw nchumh mak pw e thei, gay e tiki ai thanvmei thu mi tei thu ramh e twna katiulou o. Daw nchumh e thei, nchumh the! Sw chuy the! twna katiulou o.

Mi tangv phaek pat ti thei nang thanv nuhmei latthanv khatni latdau nai puni.

Noah thow ta kalum bo?

Damhpouc Ravguangc ta.

Tabui swna Damhpouc Ravguangc rui Noah ta hih daihmei kasiamei khang sa to?

Duidai guang puni tina Damhpouc Ravguangc rui Noah, kakai kaikhunc khatni khouringh guayna ta gulou nina e.

Damhpouc Ravguangc rui Noah ta nzian e twmei akumhna lyanlou bo?

Damhpouc Ravguangc rui Noah khatni kakai guay khatni khouringh guayna ta gulou the.

Aniu ta
guloumeipu
Damhpouc
Ravguangc
khou
lwmmmei


Thaydwan 4

Noah pary tabui douc pat kan to?

Aniu pu pouc ganh khou.

Noah pary khou rui tabui thay bo?

Pat punimei guayna Damhpouc Ravguangc thay e. Damhpouc Ravguangc aniu ta nzian e. Damhpouc Ravguangc rui taanc o twmei kamei taanc pw khou duak e. Damhpouc Ravguangc rui aniu ta gulou e. Damhpouc Ravguangc rui kamei taanc ni twna samei tei taanc e.



Action Lu

Aniu ta guloumeipu Damhpouc Ravguangc khou lwmmei, twmei dinhmei action lu sinsw o

Oh, nang how daih khouringh nunc, khouringh nunc, khouringh nunc ta?
Nang how daih khouringh nunc hih khou gut kanmei ta?

Ravguangc rui kanlou e khouringh nunc, khouringh nunc, khouringh nunc guay ta.

Ravguangc rui khouringh nunc guay ta kanlou the, dui dai khou rui kanlou the.

Object Lesson

Aniu ta guloumeipu Damhpouc Ravguangc khou lwmmei, twmei dinhmei object lesson sinsw o

Nang ta nkhav khang alauc gaanv nei ta kaw o. Alauc akhat ta kamik duam o.
Kamik duammeipu ta tei zayna kainung ramh e thei kai daeng tat nkuay khang gaanv khat ta tei sa o.

Mi alauc nei tei tat tang pw khou, alauc guayna chu nuh khang daw khang kamik duammeipu khou tei lat thanv o.

Nang thanv nuh latthanv asaekc mi khou hei nai e.

Nang tabui khou tat bam cho twmei thay makna tatmei akumh bo?

Nang pam ta lwmmei rui nang khang gaeng bo?

Aniu panty khou, nniauc tabui pat puni cho twmei nang thay daih?

Damhpouc Ravguangc ta lwm khang nang tabui sw nuh bo?

Aniu ta
guloumeipu
Damhpouc
Ravguangc
khou
lwmmei

Thaydwan 4

Aniu ta
guloumeipu
Damhpouc
Ravguangc
khou
lwmmei

Baibal Ningtow Chyam Tuang Talicmei

*Aniu ta guloumeipu Damhpouc Ravguangc khou lwmmei, twmei
dinhmei Baibal chyam sinsw o*

*Ringhpouc twmei hei Damhpouc Ravguangc zanc baihmei akhat e twmei
dinclo o.*

Thaureymeis 6:22 *'Ravguangc rui samei kaguayna Noah taanc the.'*

Baibal ningtow chyam akhat sana/suanna alaunc nunc ta nang (tadin) thei lay
luaih o twna sa o. Alaunc nunc Baibal ningtow chyam thay mak saan kaluaih
bam khang sa o.

Baibal ningtow chyam tei alaunc nunc kagwan naina suan nuh khang nkhuang
hiwmei lev action kasiamhlou o.

Tadin: 'Ravguangc rui'

Alaunc nunc: 'Ravguangc rui'

Tadin: 'samei kaguayna'

Alaunc nunc: 'samei kaguayna'

Tadin: 'Noah taanc the'

Alaunc nunc: 'Noah taanc the'

Tadin: 'Thaureymeis 6:22'

Alaunc nunc: 'Thaureymeis 6:22'

Laalouna Piu Nimeis

*Aniu ta guloumeipu Damhpouc Ravguangc khou lwmmei, twmei
dinhmei laalouna piu nimeis sinsw o*

Damhpouc Ravguangc aniu ta nzian e twmei thaymei kabah thu Damhpouc
Ravguangc rui aniu ta gulou puni twmei aniu lwm nuh e tu tuang e.

Damhpouc Ravguangc ramh kaguayna thay e. Damhpouc Ravguangc ramh
guayna how e. Aniu rui Noah kumcna Damhpouc Ravguangc ta aniu ta ti zay
pw khou, pwanzingh khou aniu ping lak e.

Huayneymeis: Damhpouc Ravguangc, nang rui meicnunc khatni khouringh
nunc ta guloumei khang thuancku e. Damhpouc Ravguangc, ai nang khou
lwm e. Damhpouc Ravguangc, nang apanty saanv saengh zaylou o. Amen.

Thaydwan 5



Dinhmung Akhat

Damhpouc Ravguangc ramh guayna sw ngam e

Baibal Pary

Damhpouc Ravguangc ramh guayna sw ngam e, twmei dinhmei pary sinsw o

Damhpouc
Ravguangc
ramh
guayna sw
ngam e

Gaychamv Parybuk Kanei. Kasap 16-32. *Nkunmei Kaipat.*

Nkhwanmei Game: Alauc guayna nang ta how nuhmei bam khou ding o. Nang tuang ganvchak khou zauc bammei thak sw o (Nang tuang ganvchak maek e thei zauc bammei thak sw o). Nang ramh khat ta nkhwan bammei thak sw o. Alauc khat rui nang tabui ta nkhwan bam tu cho twna thanvmei ta nkhwan o. (Mi hei kaganv asaekc gut nuh e.) 'Nang tabui ta nkhwan bam tu cho twna nang niw akhou thanvmei ta nkhwan bam de,' twna daw o.

Aseic tuang pary khou aniu gaanv khat lam thay e. Kazanc Abraham e. Abraham ramh akhat ta nkhwan saengc sih bam khwan e. Abraham tabui ta nkhwan bam tu cho twmei nking chuyna nking o.

Nang rui kaniw ta souhmei sik, 'Damhpouc Ravguangc ramh guayna sw ngam e' twna meic guayna sa o twna sa o. *Gaychamv Parybuk Kanei* khou rui *Nkunmei Kaipat* twmei tei pacna rac o.

'Damhpouc Ravguangc ramh guayna sw ngam e,' twmei naimek kathuic, alauc nunc ta souc o. 'Damhpouc Ravguangc ramh guayna sw ngam e,' twna alauc nunc sa puni.

Pary luai pw khou alauc nunc khou mi latthanv hei thanv o.

1, 2, 3 pary kahouh tho...

'Abraham tabui ta nkhwan bam tu cho?'





Kanac ta.

Ka nac khou rui Ravguangc rui meic mpeyna ta thuakloumei ta.

Khaengloumei lauziu nac ta.

Damhpouc Ravguangc mbaanv khou guangmei ta.

Thaydwan 5



Action Lu

Damhpouc Ravguangc ramh guayna sw ngam e, twmei dinhmei action lu sinsw o

Ringhpouc twmei hei Damhpouc Ravguangc zanc baihmei akhat e twmei dinclo o.

Pu Abraham tei kanac geic khwan e, geic khwan e kanac nunc, Pu Abraham.
Ai ni akhat e kumna nang ni e. Hei zaeng rui meic guayna Ringhpouc ta thuanc kho.

Nzat baanc!

Pu Abraham tei kanac geic khwan e, geic khwan e kanac nunc, Pu Abraham.
Ai ni akhat e kumna nang ni e. Hei zaeng rui meic guayna Ringhpouc ta thuanc kho.

Nzat baanc, mbai baanc!

Pu Abraham tei kanac geic khwan e, geic khwan e kanac nunc, Pu Abraham.
Ai ni akhat e kumna nang ni e. Hei zaeng rui meic guayna Ringhpouc ta thuanc kho.

Nzat baanc, mbai baanc, nzat phay!

Pu Abraham tei kanac geic khwan e, geic khwan e kanac nunc, Pu Abraham.
Ai ni akhat e kumna nang ni e. Hei zaeng rui meic guayna Ringhpouc ta thuanc kho.

Nzat baanc, mbai baanc, nzat phay, mbai phay!

Pu Abraham tei kanac geic khwan e, geic khwan e kanac nunc, Pu Abraham.
Ai ni akhat e kumna nang ni e. Hei zaeng rui meic guayna Ringhpouc ta thuanc kho.

Nzat baanc, mbai baanc, nzat phay, mbai phay, py kangwm o,

Pu Abraham tei kanac geic khwan e, geic khwan e kanac nunc, Pu Abraham.
Ai ni akhat e kumna nang ni e. Hei zaeng rui meic guayna Ringhpouc ta thuanc kho.

Nzat baanc, mbai baanc, nzat phay, mbai phay, py kangwm o, kariang nkuay o

Hei zaeng rui meic guayna Ringhpouc ta thuanc kho!

Thaydwan 5

Object Lesson

Damhpouc Ravguangc ramh guayna sw ngam e, twmei dinhmei object lesson sinsw o

Damhpouc
Ravguangc
ramh
guayna sw
ngam e

Nangniw tabui how bo? Alauc akhat rui daw nchumh mak e thei, gay e tiki ai thanvmei thu mi tei thu ramh e twna katiulou o. Alauc akhat rui nchumhna dawlou e thei, nchumh the! Sw chuy the! twna katiulou o. Alauc akhat rui nchumhna dawlou mak saanv thanv bam o.

Tingpuk thangc zauc thau o. **Nangniw tabui how bo?**

Daw nuhmei lat: neihmik, tingpuk, muangh, nruayna,

Aseic lauthwan neih patmei tei thow rui cho?

‘Damhpouc Ravguangc rui aseic laukhwan neih ti pat tuang e.

Tingzyn pum thow rui neih ti key tu cho?

Damhpouc Ravguangc rui tingzyn pum neih ti key tuang e.

Thow rui tingpuk khou muangh ti tat bam tu cho?

Damhpouc Ravguangc rui tingpuk khou muangh ti tat bam tuang e.

Thow rui muangh ta ting ti riu bam cho?

Damhpouc Ravguangc rui muangh ta ting ti riu bam tuang e.

Tingpuk khou bammei nruayna ta thow rui makuat bam cho?

Damhpouc Ravguangc rui tingpuk khou bammei nruayna ta makuat bam tuang e.

Damhpouc Ravguangc ramh guayna sw ngam e.

Baibal Ningtow Chyam Tuang Talicmei

Damhpouc Ravguangc ramh guayna sw ngam e, twmei dinhmei Baibal chyam sinsw o

Ringhpouc twmei hei Damhpouc Ravguangc zanc baihmei akhat e twmei dinclou o.

Thaureymeis 15:6 ‘Abram Ringhpouc ta lwm e, kum tina Ringhpouc rui kata ravchaptatmeipu twna chaklou the.’

Taanhmei naa: Blackboard khatni chalk, ramh e thei mbut khatni hy khang thing tang, ramh e thei che paek le hy khang pensil.

Baibal ningtow chyam blackboard khou, ramh e thei niang khou, ramh e thei che paek khou hylou o. Latkaeng latkaeng khou soucna Baibal ningtow chyam tei sa o. Alauc nunc latrik pac thay mak he thei, Baibal ningtow chyam tei hylou khang kage maek e. Alauc nunc nang thei layna sa bam khang de.

Thaydwan 5

Abraham Ringhpouc ta lwm e, (x3)
kum tina Ringhpouc rui kata(x3)
ravchaptatmeipu twna (x3)
chaklou the. (x3)

Ntaw alauc guayna ding thau the. Lay luaih khang alauc nunc ta sa o.

Nang bung kathupna Baibal ningtow chyam tei kaganv akhatna khou sa o.
Ntaw alauc nunc ni kaniw bung kathupna Baibal ningtow chyam tei kaganv
akhatna khou nang thei lay sa o.

Baibal ningtow chyam tei sana kaning ngguic pat o. Ntaw alauc nunc ni
Baibal ningtow chyam sana kaning ngguic pat o.

Nang dyng bam khou kachuamh key kachuamh kuna Baibal ningtow chyam
tei sa o. Ntaw alauc nunc ni kadyng dyng bamv khou kachuamh key kuna
Baibal ningtow chyam tei sa o.

Baibal ningtow chyam tei thut kamaekcna alauc nunc ta nkhamhmei swna
ti sa o.

Laalouna Piu Nimeï

***Damhpouc Ravguangc ramh guayna sw ngam e, twmei dinhmei
laalouna piu nimeï sinsw o***

Damhpouc Ravguangc ramh guayna sw ngam e kalam thu Damhpouc
Ravguangc rui ramh guayna damclou e. Damhpouc Ravguangc aniu ta hei di
nzian e. Damhpouc Ravguangc rui aniu ta tingsaeng zaeng khang gulou ngam e.

Huayneymeï: Damhpouc Ravguangc, nang ata nzianmei khang thuancku e.
Damhpouc Ravguangc, nang ramh guayna sw ngam e kalam thu nang rui
ramh guayna damclou e. Ai nang khou lwmlou e. Amen.

Swan: *Gaychamv Parybuk Kanei* tei alauc guayna khang katuang katuang tei
tii o. Alauc guayna kaniw tuang *Gaychamv Parybuk Kanei* tei pac thay khang
nkhavlou o.

Damhpouc
Ravguangc
ramh
guayna sw
ngam e